

आकाशवाणी

1. चुनावs आयोग नै पच्छिम बंगाल च फाल्ता निर्वाचन हल्के दे सबनै 285 बूथें पर परतियै वोट पुआने दा हुक्म जारी कीता ऐ।
2. रक्षा मंत्री राजनाथ सिंह होरें आपरेशन सिंदूर गी भारत दे फौजी इतिहास च इक सनैही ध्याs करार दिता ऐ।
3. भारत लेई 46 जहार 313 मीट्रिक टन एलपीजी कन्नै लदोए दे एलपीजी दी ढुहाई आली समुंद्री जहाज एम.टी सर्व शक्ति नै होर्मुज जलडमरूमध्य गी सुरक्षित ढंगै' नै पार करी लैता ऐ।
4. अमरीकी राष्ट्रपति डानल्ड ट्रम्प होरें आखेआ जे अमरीका, जर्मनी च तैनात अपने 5 जहार सैनिकें गी वापस सददीलैग।
5. मौसम विभाग नै उत्तर ते दक्खन भारत दे राज्यें च भारी बरखा बरने ते मध्य भारत च गरज-चमक कन्नै बरखा दी भविक्खवाणी कीती ऐ।
6. मध्य प्रदेश दे कुलदीप कुमार होरें भुवनेश्वर च मर्दे दे राष्ट्री पोल वाल्ट च 5 इशारिया 4-1 मीटर दी छाल मारियै सुन्ने दा तगमा जिती लैता ऐ।

<><><><><><>

निर्वाचन आयोग नै पच्छिम बंगाल दे दक्खन 24 परगना जिले च फाल्टा विधानसभा क्षेत्र च पूरी मतदान प्रक्रिया रद्द करने दी असाधारण गैस पुट्टी ऐ। इस विधानसभा क्षेत्र दे सारे 285 मतदान केंद्रों पर 21 मई गी नमें सिरेआ वोट पाए जाइन। आयोग नै दस्सेआ जे एह फैसला 29 अप्रैल गी होए दे मतदान दरान गंभीर चुनावी अपराधों ते लोकतांत्रिक प्रक्रिया दी बड़डे पैमाने पर उल्लंघना दी खबरें मगरा लैता गेआ ऐ। हुन इन्हें सारे मतदान केंद्रों पर इस म्हीने दी 21 तरीक गी परतियै वोट पाए जांगन। वोटों दी गिनतरी दा कम्म 24 मई गी होग।

<><><><><><>

Vote-Counting

पच्छिम बंगाल, केरल, तमिलनाडू, असम ते केंद्र शासित प्रदेश पुदुचेरी च होए दे विधानसभा चुनाए दे वोटों दी गिनतरी कल होग। असम दी 126, केरल दी 140 ते पुदुचेरी दी 30 सीटें आस्तै मतदान 9 अप्रैल गी हाआ हा। तमिलनाडू दी 234 सीटें आस्तै 23 अप्रैल गी ते पच्छिम बंगाल दी 293 सीटें आस्तै 2 गेड़ें च 23 ते 29 अप्रैल गी वोट पाए गए हे।

<><><><><><>

W.B-Polling

पच्छिम बंगाल दे साउथ 24 परगानास जिले दे 15 बूथें पर होए दे मतदान च 90 फीसदी लोकें वोट पाने दे अपने अधिकार दा इस्तेमाल कीता। परतिए वोट पाने आहला कम्म ज्यादातर शांतिपूर्ण ढंगगै सिर सम्पन्न होई गेआ। इन्हें हल्कें

पर परतिए मतदान करने दा आदेश चुनां आयोग नै मुतल्लका रिटर्निंग अफसरें ते निगराने आसेआ हासिल रिपोर्ट दे आधार पर दिता हा।

<><><><><><>

T.N Voting

तमिलनाडू च कल बड्डलै 8 बजे थमां सारे 62 तय कीते गेदे मतगणना केंद्रें पर वोटें दी गिनतरी शुरू होग। मतगणना आस्तै कुल 10 ज्हार 545 कर्मिणं गी तैनात कीता जाहग। इंदे सहयोग आस्तै 4 ज्हार 624 निगरान बी तैनात रौहंगन। स्हाढ़े संवाददाता नै दस्सेआ ऐ जे हर इक विधानसभा क्षेत्र आस्तै इक-इक निगरान सने कुल 234 मतगणना निगरान पूरी प्रक्रिया दी निगरानी करंगन ते आयोग दे मौजूदा निर्देशें दा सख्ती कन्नै पालन करना बी यकीनी बनांगन।

<><><><><><>

SC-EC

सुप्रीम कोर्ट नै पच्छिम बंगाल विधानसभा चुनां दी मतगणना आस्तै केंद्री कर्मचखरिणं दी नियुक्ति खलाफ तृणमूल कांग्रेस दी याचिका च दखल देने थमां इंकार करी दिता ऐ। न्यामूर्ति पी.एस नरसिम्हा ते जायमाल्या बागची हुंदी विषेश पीठ नै आखेआ जे निर्वाचन आयोग गी मतगणना आस्तै कर्मिणं दी नियुक्ति करने दा पूरा अधिकार ऐ।

<><><><><><>

Rajnath-Singh

रक्षा मंत्री राजनाथ सिंह होरें आखेआ ऐ जे मुख्य दे सशस्त्र बलें दा शौर्य छड़ा युद्ध दे मैदान तगर गै सीमित नेई ऐ, सगुआं ओह आपदाएं दरान बी लोकें गी मदाद उपलब्ध करोआंदे न। राजनाथ सिंह होरें एह गल्ल आपरेशन सिंदूर दी पैहली बरेगंड दे सरबंथै च नमीं दिल्ली च आयोजित इक कार्यक्रमै च आखी। रक्षा मंत्री होरें आखेआ जे सैनिकें दी बेजोड़ दलेरी ते शौर्य नै आपरेशन सिंदूर गी भारत दे फौजी इतिहास दा सनैही ध्याय बनाई दिता ऐ।

<><><><><><>

LPG

मार्शल द्वीप समूह दे झंडे आहला एलपीजी वाहक पोत एमटी सर्व शक्ति जेदे च भारत आस्ते 46 जहार 313 मीट्रिक टन एलपीजी लदोए दा ऐ, होमुर्ज जलडमरूमध्य गी सुरक्षित ढंगे सिर पार करी गेआ ऐ। आधिकारिक सूत्रें मूजब एहदे इस महीने दी 13 तरीक गी विशाखापत्नम पुज्जने दी मेद ऐ। एहदे च 18 भारतीयें सने चालक दल दे 20 सदस्य बी सोआर न। पतन, पोत परिवहन ते जलमार्ग मंत्रालय नै कल इक संवाददाता सम्मेलन च आखेआ जे खिते च सारे भारती नाविक सुरक्षित न।

<><><><><><>

Germany-US Troops

अमरीकी राष्ट्रपति डानल्ड ट्रम्प होरें आखेआ ऐ जे अमरीका, जर्मनी च अपनी फौजी मजूदगी च बड़ी कमी करग। एहदे नै जर्मन चांसलर फ्रेडरिक मर्ज हुंदे कन्नै अमरीका दा विवाद होएर बधी गेआ ऐ। ट्रम्प होर यूरोपी सुरक्षा दे प्रति अमरीका दी बचनबद्धता गी घट्ट करने दी कोशश करा'रदे न। पेंटागन नै शुक्रवारें पैहले घोशणा कीती ही जे ओह जर्मनी थमां तकरीबन 5 जहार सैनिकें गी वापस सददी लैग। शनिवारें इस गेंह दी वह पुच्छे जाने पर ट्रम्प होरें कोई स्पष्टिकरण नेई दिता ते आखेआ जे एहदे शा बी बड़्डी कटौती होने आली ऐ।

<><><><><><>

Jaishankar-Visit

विदेशमंत्री डॉ. एस. जयशंकर अज्ज बड़्डलै जमैका दे किंगस्टन पुज्जी गे न। ओह जमैका, सूरीनाम ते त्रिनिदाद ते टोबैगो दी सरकारी जातरा पर न। सोशल मीडिया दी इक पोस्ट च जयशंकर होरें दस्सेआ जे जमैका दी बदेश मंत्री कामिना जे. स्मित होरें उंदा सुआगत कीता। बदेश मंत्री होरें आखेआ जे उनें अगले 2 दिनें दरान जमैका दे नेताएं, बपारिएं ते प्रवासी भारतीयें दे कन्नै गल्लबात करने दी हीखी लाई दी ऐ।

<><><><><><>

MIB-Prasar Bharti Chairman

सूचना ते प्रसारण मंत्रालय नै मन्ने-परमन्ने दे गीतकार, लखारी ते समवादें दे माहिर प्रसून जोशी होरें गी प्रसार भारती दे अध्यक्ष दे रुपै च नियुक्त किता ऐ।

जोशी हुंदे आसेआ किते दे कम्मं च फिल्मी गीत- विज्ञापन अभियान ते कहानियां सने होर बी केंई गतिविधियां शामिल न। उन्दी नियुक्ति उपपर सूचना ते प्रसारण मंत्री अश्विन वैष्णव होरें गलाया जे जोशी होर विज्ञापन- साहित्य ते कला दे क्षेत्रे च बड़ी गै मन्नी-परमन्नी दी हस्ती न ते इन्दे लफजें च मुख्यै दी मिट्टी दी संगंध ते सभ्यता झलकदी ऐ। मंत्री होरें उन्दी नियुक्ति पर खुशी जताई ते आखेआ जे प्रसार भारती च हुन नमीं ऊर्जा, गहरे लक्ष्य ते नमीं आवाज गी शामिल कीता जाहग। एदे शा पैहले जोशी होर सैन्ट्रल बोर्ड ऑफ फिल्म सर्टिफिकेशन मुम्बई दे अध्यक्ष रेई चुके दे न।

<><><><><><>

PM NITI Members

प्रधानमंत्री नरेंद्र मोदी होरें डॉक्टर आर. बालासुब्रह्मण्यम ते डॉ. जोरम अनिया होरें गी नीति आयोग दे पूरी अवधि आले फुल टाइम मेम्बर दे तौर पर नियुक्त कीता ऐ। सोशल मीडिया दी इक पोस्ट च प्रधानमंत्री होरें आखेआ जे उंदा समृद्ध अनुभव ते बक्ख-बक्ख मुद्दे दी गैहरी समझ नीति निर्माण गी मता मजबूत करोग। उनें विश्वास बुज्झेआ ऐ जे उंदे योगदान कन्नै सबनें खेतरें च नमिएं काहें ते विकास गी रफ्तार मिलग।

<><><><><><>

[Weather](#)

मौसम विभाग नै अरुणाचल प्रदेश, असम, मेघालय, नागालैंड, मणिपुर, मिजोरम, त्रिपुरा ते सिक्किम दे कन्नोकन्नी केरल, तमिलनाडू ते पुदुचेरी च अज्ज तेज बरखा बरने दा इमकान दस्से दा ऐ। लद्दाख ते जम्मू-कश्मीर च गरज-चमक दे कन्नै ऐन गड़े दी बी भविक्खवाणी कीती गेदी ऐ। दिल्ली, बिहार, पंजाब, हरियाणा, चंडीगढ़, झारखंड, मध्य प्रदेश, ओडिशा, रायलसीमा, उत्तराखंड, विदर्भ ते पच्छिम बंगाल च गरज-चमक दे कन्नै बिजली मिलकने दे असार न। तोआई, आंध्र प्रदेश दे समुंद्री कंडे आले इलाके च दिनै बेल्लै लू चलने दी शेंका जताई गेई ऐ।

<><><><><><>

Kuldeep Poll Vault

भुवनेश्वर च इंडियन इंडोर ओपन संयुक्त खेड्ढ ते पोल वॉल्ट प्रतियोगिता च मध्य प्रदेश दे कुलदीप कुमार होरें मर्दे दे पोल वाल्ट च 5 इशारिया 4-1 मीटर दी छाल मारियै सुन्ने दा तगमा जिती लैता ऐ। कुलदीप कुमार होरें पैहली गै कोशश च एह् उपलब्धि हासल कीती ते देव कुमार मीणा दे 5 इशारिया 4-0 मीटर दे राश्ट्री रिकार्ड गी पिच्छे छोड़ी दिता। उनें तमिलनाडू दे रीगॉन जीं दे 5 इशारिया 3-0 मीटर दे इंडोर रिकार्ड च बी सुधार कीता ऐ।

<><><><><><>

[IPL](#)

IPL क्रिकेट च कल रातीं चेन्नई च चेन्नई सुपर किंग्स नै मुम्बई इंडियन्स गी 8 विकेटें कन्नै हराई दिता। पैहले बल्लेबाजी करदे होई मुम्बई इंडियन्स नै तय 20एं ओवरें च 7 विकेटें पर 159 रन बनाए। परते च चेन्नई नै 18 ओवरें ते 1 गेंद च 2 विकेटें दे नुकसान पर 160 रन बनाइयै मैच जिती लैता। चेन्नई दे ऋतुराज गायकवाड़ 67 रन ते कार्तिक शर्मा 54 रन बनाइयै नाबाद रेह। प्रतियोगिता च अज्ज सनराईजर्स हैदराबाद दा मुकाबला कोलकाता नाईट राइडर्स कन्नै होग। हैदराबाद च एह मैच अज्ज दपैहरी मगरा सांडे 3 बजे शा खेड्ढेआ जाहग। अहमदाबाद च इक्क होर मैच गुजरात टाइटन्स दा सामना पंजाब किंग्स कन्नै होग। मैच संझा सांडे 7 बजे शा खेड्ढेआ जाहग।

<><><><><><>